



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 32. Stephanus de Langton Archiepiscopus Cantuariensis.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

golinum Episcopum Ostiensem & Leo- Sacul. XIII.  
nem Presbyterum titulo S. Crucis, de- A. G. 1207.  
lectos in Germaniam, tanquam Sacra  
Sedis Legatos, proficisci iussit.

## §. XXXII.

*Stephanus de Langthon Archiepiscopus Cantuariensis.*

Joannes Ferentinensis anno millesimo *Math. Pa-*  
ducentesimo sexto Sacrae Sedis Lega- *ris. eod. an.*  
tus a Pontifice in Angliam missus, illo  
Regno peragrato, haud sane modicam  
pecuniae vim collegit. Ut vero pra- *Math. West-*  
terea aliquid gessisse videretur, Conci- *mon. eod.*  
lium Redingae, Abbatia celeberrima, die *sup. n. 21.*  
S. Lucae Festum sequente, nempe deci- *Item & Gest.*  
ma nona Octobris, coegit; tumque *Innoc. n. 131.*  
cum suo thesauro recessit. Haud diu  
post Innocentius litem inter Monachos  
Cantuariensis Ecclesiae, ejusque Episco-  
pos Suffraganeos, de electione Archie-  
piscopi diremit, cum declaravit, nihil  
juris ad eligendum Archiepiscopum E-  
piscopis esse, iisque aeternum silere jus-  
sis, praecipit; soli monachi Sede va-  
cante Pastorem novum nominarent.  
Haec sententia vigesima prima Decem-  
bris anno millesimo ducentesimo sexto  
lata est. Anno sequente millesimo  
ducentesimo septimo Monachi Cantua-  
rienses adversus Monachos fratres suos



Sæcul. XIII.  
A.C. 1207.

in Curia Romani Pontificis Actionem moverunt de gemina electione Episcopi Cantuariæ, cum aliqui Subpriori, alii Episcopo Norwicensi suffragati fuissent. Aiebant isti, electionem Subprioris valere non posse, quod istud a minore parte Capituli, clam, & sine Regis consensu actum esset. Respondebant Adversarii; dato, quod illa electio nullius roboris fuisset, nihilominus expectandum fuisse, donec nulla promulgaretur, priusquam pars contraria alium eligeret. Unde inferebant, electionem Episcopi Norwicensis procul dubio rejiciendam esse. Postquam diu multumque disputatum, Papa electionem utramque irritam pronunciavit, atque indignans munera sibi oblata, quæ undecim millia marcarum argenti æquare dicebantur, repulit.

Joannes Rex, datis itineris subsidiis, duodecim monachos, quorum princeps Magister Elias *de Brand-field* erat, Romam miserat, affirmans, recepturum se Archiepiscopum, quem elegissent, ipsis spondentibus, neminem se alium quam Episcopum Norwicensem electuros esse.

Papa vero, utraque electione abrogata, per Cardinales suos his monachis ceterisque Delegatis denunciari iussit, ipseque suo ore significavit, libertatem  
ipsis



Sæcul. XIII.

A. C. 1207.

ipsis concedi eligendi quemcunque vel-  
 lent, si modo de gente Anglorum is es-  
 set, & oneri Episcopali sustinendo ido-  
 neus. Mox Stephanum Langtonium  
 eligendum proposuit, virum meritissi-  
 mum. Namque postquam Parisiis diu  
 operam scientiis dedisset, Theologiæ  
 Doctor, Canonicus Cathedralis, & Uni-  
 versitatis Cancellarius creatus, ac Ro-  
 mam deinde a Summo Pontifice invita-  
 tus, Ordini Cardinalium Presbyterorum  
 titulo S. Chrysogoni inscriptus fuerat.  
 Eum ergo cum Papa in Cathedra Can-  
 tuariensi collocandum esse, suasset, re-  
 sponderunt Monachi; se Electionem  
 Canonicam sine Regis & Congregatio-  
 nis suæ consensu peragere non posse.  
 Sed sermonem interrumpens Papa, ve-  
 hementer commotus, *scitote*, ait, *ple-*  
*nam vobis tunc tantum potestatem esse,*  
*cum Cantuariæ estis, sed cum electio*  
*fit Romæ, in conspectu Sacræ Sedis, con-*  
*sensum Principum non expectari. Quæ*  
*cum ita sint, in virtute S. obedientiæ,*  
*& sub pœna censuræ Excommunicatio-*  
*nis, illum, quem jussi estis, eligite.* Mo-  
 nachi murmurantes, sed metu turbati,  
 consenserunt. Solo Magistro Elia de  
*Brand-field* imperium detrectante, ce-  
 teri omnes *Te Deum Laudamus* decan-  
 tantes Stephanum Langtonium ad Al-  
 tare detulerunt, quem Papa Viterbii die



**Sæcl. XIII.** decima septima Junii suis manibus or-  
**A. C. 1207.** dinavit.

**Gest. n. 131.**

Ita quidem rem Angli narrant, sed Auctor Gestorum Innocentii Papæ refert; eum, cum utramque antecedentem electionem irritandam esse augeretur, timuisse, ne si monachos ad tertiam electionem peragendam in Angliam remitteret, in eundem errorem relaberentur, cum Rex libertatem in eligendis Episcopis opprimeret. *Quare, inquit, jussit Papa monachos quindecim Fratribus, ex gremio suo delectis, facere potestatem, hac vice Archiepiscopum eligendi, eosque Romam mittere; quod etiam per literas Regi indicavit.* Itaque, gemina illa electione abrogata, præcepit monachis quindecim, ut, se præsentem, electionem Canonicam celebrarent, tumque, exploratis eorum suffragiis, majorem partem Cardinali Stephano Langtonio favere patuit. Tandem consenserunt monachi omnes, Regis Legatis repugnantibus & omnem conatum ad istud amovendum frustra adhibentibus. Postea Pontifex, Regi Angliæ scribens, paterno affectu hortatus est; reciperet electum, faveretque Stephano Langtonio, cujus merita dilaudabat. Ad Monachos quoque Cantuarienses dedit Epistolam, qua omnes Pastori suo obedire præcipiebat.

**Math. an.**  
**1207.**

§. XXXIII.